

陸宣公集  
三

唐陸宣公翰苑集卷第七

平定張佩芳蓀圃注釋

新安汪肇龍稚川

程瑤田易田

汪梧鳳在湘

方矩晞原叅訂

制誥

李晟司徒兼中書令制

唐書宰相表興元元年六月己酉京畿渭北商華兵

馬副元帥李晟為司徒中書令

雲雷構屯

易雲雷屯君子以經綸

寓縣興難

史記秦始皇本紀大矣哉字縣之中注宇

宇宙縣赤縣

非山嶽降神不生良弼非股肱叶契不集大勳

詩維嶽降神生甫及申書大勳未集

故高宗得傳說中興殷邦

通鑑前編武丁嗣位

以甘盤為相恭默思道夢上帝賚以良弼乃使人以形旁求於天下說為胥靡築於傅巖求得之命以為相進

諫論列天下之事君臣道合政事修舉

宣王任吉甫重光周道

通鑑前編宣王元年

召周公輔王政法文武成康之遺風喻德教舉遺士海內翕然同風諸侯復宗周命尹吉甫北伐玁狁至於

太原天寶之季寇陷二京時則先臣子儀翼戴肅宗戡定

禍亂再造區夏

宋書武帝紀宏濟朕躬再造王室書用肇造我區夏

於今賴之肆

予小子獲纘丕構不克負荷失守宗祧天祚我唐降生

忠烈有社稷之臣

通鑑晨

遣掌書記于公異作露布上

生李晟以為社稷非為朕也

曰開府儀同三司檢校

尚書左僕射中書門下平章事克神策軍節度鄜坊等

州管內觀察處置等使

唐書地理志鄜州洛交郡坊州

隋志上郡大業二年改為

鄜城郡鄜音膚坊州春秋白

狄之地武德二年分鄜州

置坊州中部郡以周天和七

南渭北商華等州兵馬副元帥上柱國合川郡王李晟

唐書地理志疊州合川郡屬隴右道通鑑音注疊州秦

漢以來為諸羌保據後周武帝逐吐谷渾取羣山重疊  
之義置疊州合川縣隋治吐谷渾  
馬牧城唐武德三年移治交戍城  
沉肅有勇堅明能斷

聞難感憤誓軍徂征誠激於衷義形於色自河之右萬

里濟師

唐書李晟傳建中二年魏博田悅反晟為神策先鋒與河東馬燧昭義李抱真合兵攻之斬楊

朝光晟乘冰渡洛水破悅又戰洹水悅大敗遂進攻魏

又建言以兵趨定州與張孝忠合以圖范陽則武俊等

當捨趙帝壯之晟自魏引而北武俊果解去晟留趙三

日與孝忠連兵北畧恆州會帝出奉天有詔召晟即日

治嚴而孝忠以軍介二盜閒倚晟為重數止晟無西晟

語眾曰天子播越人臣當百舍一息義武欲止吾吾嘗

以子為質乃以憑約昏並遺良馬孝忠有親將謁晟晟

解玉帶遺之使喻孝忠乃得踰飛狐次代州詔迎拜神

策行營

殷然雷奔

西都賦雷奔電激草木塗地

大盜懾駭屬皇家不

節度使

造戎師誘姦重茲播遷郊甸震蕩而晟蓄銳養士深壘

固軍以謀吞元兇以義糾羣帥躬擐甲胄

左成十三年傳文公躬擐

甲冑率先啟行布忠信為軍聲東京賦坐作進退節以軍聲持義烈為

戰器沈約封徐世檄詔才畧貞濟志懷義烈左傳申叔曰德刑詳義禮信戰之器也通鑑綱目是時懷光

朱泚連兵聲勢甚盛晟以孤軍處其閒內無糧資外無救援徒以忠義感激將士故其眾雖單弱而銳氣不衰

廓清氛沴寧復皇都宗廟載安宇宙斯泰佐予興運時

乃茂功德厚者任崇業盛者報重升以元輔文選注班固涿邪山

文曰眈眈將軍大漢元輔又元君也言周禮建于上公春官

典命上公九命為伯注上公謂王之三公有德者加命

為二伯三王之後亦為上公通典春秋九命作伯尊公曰宰言於海內熙庶績而翼宣九歌書庶績咸熙又擾無不宰統焉

兆人而敬敷五教書敬敷五教用疇井賦貽厥子孫與國咸

休永播丕烈書不承哉武王烈可司徒兼中書令仍賜寶封一

千戶餘並如故俟還京後所司擇日備禮册拜通典開元禮臨

軒册命諸王大臣前一日尚舍奉御設御幄於太極殿

北壁南向守宮設羣官次於朝堂太樂令展宮懸於殿

庭又設舉麾位於上下竝如常儀其日典儀設羣官版

位文官一品以下五品以上於懸東六品以下於大橫

街之南俱西面武官一品以下五品以上於懸西六品

以下於大橫街南俱東面以北為上竝如常儀設受册

者位於大街之東南重行北面西上設典儀位於懸之

東北贊者二人在南少退俱西向奉禮設門外位文官

於東朝堂西面武官於西朝堂東面俱每等異位重行

北上其日依時刻諸衛勒所部列仗屯門及陳於殿庭

如常儀受册者服朝服從第備鹵簿與羣官俱集朝堂

次羣官各服其服贊引引羣官俱出次典謁引就朝堂

前位版奏請中嚴斂戟近仗入陳於殿庭太樂令帥工  
人入就位協律郎入就舉麾位諸侍衛之官各服其器

服符寶郎奉寶俱詣閣奉迎典儀帥贊者先入就位通  
事舍人引羣官入就位又引受册者入立於太極門外  
道東西向中書侍郎以册置於案令史二人皆絳公服  
對立於左延明門內道北西而侍郎立於案後侍中版  
奏外辦皇帝服通天冠絳紗袍御輿以出曲直華蓋警  
蹕侍衛如常儀皇帝將出仗動太樂令撞黃鐘之鐘  
右五鐘皆應協律郎跪俛伏興舉麾鼓祝奏太和之樂  
皇帝出自西房卽御座南向坐符寶郎奉寶置於御座  
如常儀樂止通事舍人引受册者以次入就位立定受  
册者東北西面中書侍郎引册案道入於中書令之南  
少退俱西向通事舍人引爲首者一人少前北面中書  
侍郎取册進授退復位中書令稱有制受册者再拜中  
書令讀訖受册者又再拜通事舍人引受册者進受訖  
典謁引退復位又通事舍人引次受册如上儀徧册訖  
中書令以下還侍位案者以案退典儀曰再拜贊者承  
傳羣官在位者皆再拜通事舍人引受册者以次出侍  
中前跪奏稱侍中臣某言禮畢俛伏興還侍位皇帝興  
太樂令撞蕤賓之鐘左五鐘皆應鼓祝奏太和之樂



皇帝降座御輿入自東房侍衛警蹕如來儀侍臣從至  
閣樂止通事舍人引羣官在位者以次出若册三師三  
公親王皇帝服袞冕之服鼓吹令設十二案乘黃令陳  
車輅尚輦奉御陳輿輦諸衛設黃麾半仗受册者初入  
門舒和之樂作至位樂止册畢引出初行樂作出門樂  
止餘同上儀册開府儀同三司太子三師驃騎大將軍  
左右丞相京都牧河南  
牧竝如臨軒册命儀  
第未崇里涇陽上田延平門之林園女樂一列晟入第  
京兆供帳教坊鼓吹迎導詔將相送之帝紀其功自交  
於碑敕皇太子書立於  
東渭橋以示後世云

蕭復劉從一姜公輔平章事制

唐書宰相表建中四年十月丁巳戶

部尚書蕭復為吏部尚書吏部郎中劉從一為  
刑部侍郎京兆府戶曹參軍翰林學士姜公輔  
為諫議大夫並同  
中書門下平章事

宰輔之任獻替為務內凝庶績外撫四夷調陰陽以成

歲功更記陳平世家宰相者上佐天子理陰陽順四時

卿大夫各得下遂萬物之宜外鎮撫四夷諸侯內親附百姓使贊化育而熙帝載書有能奮庸若金用礪熙帝之載

其彌予違書若金用汝作如早為霖允從人望書若歲

汝作霖雨初學記賢矧時屬多難彌切任賢朕未嘗不者國之紀人之望

朝夕論思兩都賦序朝夕夢寐懷想道之所在人遠乎論思日月獻納

哉朝議大夫守戶部尚書兼御史大夫唐書百官志正

大夫通典朝議大夫隋置散官以取漢諸大夫得上奉

朝議為名唐因之通鑑音注舊制凡九品已上職事官

皆帶散位謂之本品職事則隨才敘用或去閑入劇或

去高就卑遷徙出入參差不定武德令職事解散官欠

翁范集 卷之二五

一階不至為兼職事卑者不解散官貞觀令以職事高者為守職事卑者為行仍帶散位其欠一階仍舊為兼或帶散官或為守參而用之其兩職事亦為兼頗相錯亂咸亨二年始一切為守 充荆襄江西

等道都元帥唐書方鎮表至德二載置荆南節度領荆

陽節度使升襄陽防禦使為山南東道節度使領襄鄧隋唐安均房金商九州治襄州 統軍長史

豐縣開國公通典長史秦置郡丞其郡常邊戍者丞為

長史行事後罷邊郡太守丞而長史領丞職唐書蕭復

地理志豐縣屬徐州河南道一統志豐秦之邑名屬泗

水郡漢以豐為縣屬沛郡唐書百官志凡爵

九等五日開國縣公食 賜紫金魚袋蕭復性質端亮理 邑千五百戶從二品 識精敏約已宏物體方川圓為邦必表其理能及雷亟

聞於鯁議左傳宣二年晉靈公不君趙盾將諫士季曰

之三進及濡而後視之曰吾知所過矣疏濡謂簷下水

濡之處說文鯁魚骨也後漢來歙傳夫理國以得賢為

本大中大夫段襄骨鯁可任注骨鯁喻正直也動可成範立不易方守尚書吏

部郎中兼御史中丞充荆襄江西等道都元帥判官賜

緋魚袋劉從一貞白其行溫恭其文居簡而適用必通

體和而臨事有立持重能斷端慤有恆累更委任多所

宏益守京兆府戶曹參軍通典司戶參軍漢魏以下有

掌戶口籍帳婚姻田宅雜徭道路之事唐書姜公輔傳

公輔以制策異等授右拾遺為翰林學士歲滿當遷上

言以母老賴祿而養求翰林學士賜緋魚袋姜公輔志

兼京兆尹戶曹參軍事

翰林學士賜緋魚袋姜公輔志

懷濟物監必通理

易君子黃中通理

主文而諫忠靡退言

詩序主文

而譎諫言之者無罪聞之者足以戒故曰風書退有後言

經始以謀事皆前定道無

屈撓智適變通並可以參贊大猷光膺僉屬兵戎未靖

期爾經綸都邑未康期爾還定予一人有過爾是用匡

伊萬姓不寧爾是用又欽哉慎乃有位罔瘵厥官復可

守吏部尚書同中書門下平章事散官封賜如故從一

可守尚書刑部侍郎

唐書百官志刑部侍郎一人正四品下通典自注周官小司寇中大

夫蓋今任也後周依周官至隋煬帝置刑部侍郎唐因之掌律令定刑名案復大禮及諸州應奏之事同

中書門下平章事賜紫金魚袋公輔可守諫議大夫同

中書門下平章事賜紫金魚袋

張延賞中書侍郎平章事制

唐書宰相表貞元元年六月辛卯西川節

度使同平章事張延賞為中書侍郎同中書門

下平章事通鑑初李晟戍成都取其營妓以還

西川節度使張延賞怒迫而返之由是有隙至

是上召延賞入相晟表陳其過惡上重違其意

以延賞為左僕射工部侍郎張彧李晟之壻也

晟在鳳翔以女嫁幕客崔樞禮重樞過于彧彧

怒遂附于張延賞上忌晟功名會吐蕃有離間

之言延賞等騰謗于朝無所不至晟聞之晝夜

泣目為之腫悉遣子弟詣長安表請削髮為僧

不許入朝稱疾懇辭方鎮亦不許韓滉素與晟

善上命滉諭旨使與延賞釋怨引延賞

詣晟第謝因飲盡歡晟表薦延賞為相

兩漢致理由乎審官多以牧宰高第入居台輔

通典成帝綏和

元年以為刺史位下大夫而臨二千石輕重不相準乃更為州牧秩真二千石位次九卿九卿缺以高第補

黃霸自潁川而次遷丞相前漢黃霸傳為潁川太守前後八年郡中愈治是時鳳凰

神爵數集郡國潁川尤多天子以霸治行終長者下詔稱揚賜爵關內侯黃金百劬秩中二千石數月徵霸為

太子太傅遷御史大夫五卓茂由密令而超拜三公鳳三年代丙吉為丞相

卓茂傳初辟丞相府史後遷密令數年教化大行道不

拾遺及莽居攝以病免光武初即位先訪求茂茂詣河

陽謁見乃下詔曰前密令卓茂東身自脩執節淳固誠

能為人所不能為夫名冠天下當受天下重賞今以茂

為太傅封褒德侯食邑二千戶蓋以為國本於親人舉賢先於稱職旌

能勸善風化大端今革車薦興賦煩人散匡弼寡昧屬

於才臣光祿大夫檢校吏部尚書兼成都尹御史大夫

於才臣光祿大夫檢校吏部尚書兼成都尹御史大夫

唐書地理志成都府蜀郡屬劍南道通鑑音注是時兵與方鎮重任必兼臺省長官以至外府寮佐亦帶朝銜迄於五季遂為未制其帶臺銜自監察御史大夫至御史大夫為憲銜

充劍南西川副大

使唐書方鎮表開元七年升劍南度支營田處置兵馬經畧使為節度使領益彭蜀漢眉綿梓遂邛劍榮陵

嘉普資雋黎戎維茂簡龍雅濶合二十五州治益州至德二載更劍南節度號西川節度使兼成都尹百官志

其有持節為節度副大使知節度事者正節度也諸王拜節度大使者皆畱京師

管內度支營

田觀察處置等使上柱國魏國公張延賞崇飭文行勵

精理道踐歷中外所至有聲唐書張延賞傳延賞更四鎮所至民頌其愛慮

必周密心無屈撓簡廉以肅吏慈惠以愛人明以照姦

和以定衆去若始至久而見思秉志不渝課績常最以



爾循良之化佐予綏兆人以爾經綸之才佐予熙庶績

仍資威重兼領蕃維式慰甘棠之思

詩序甘棠美召伯也戴東原云甘棠

白棠也或謂之楸赤棠謂之杜爾雅杜甘棠猶

言杜之甘者曰棠以甘棠為杜失爾雅之讀也且繼繼

衣之美

詩序緇衣美武公也父子並為周司徒善子其職國人宐之故美其德以明有國善善之功焉

懋昭邦典勿替家聲

謹按延賞宰相張嘉貞之子

可中書侍郎平章

事依前兼成都尹餘如故

渾瑊侍中制

唐書宰相表興元元年六月甲寅朔方節度使邠寧振武永平奉天行營

兵馬副元帥檢校尚書右僕射同平章

事渾瑊為侍中

論道經邦興戎定

亂執是二柄毗予一人

詩天子是毗也書

彌子得謔全才康濟大難懋官胙土

唐仲虺之誥德懋懋官公羊傳文十

三年疏周書作洛篇曰封人社壇諸侯受命于周乃建

大社于國中其壇東青土南赤土西白土北驪土中央

釁以黃土將建諸侯鑿取其一面之土包以黃土苴以

白茅以為社之封孔氏云王者封五色土為社建諸侯

則各割其方土與之使立社燾以黃土苴備舉彝章開

以白茅茅取其潔黃取其王者覆四方

府儀同三司檢校尚書左僕射同中書門下平章事兼

靈州大都督府長史充靈鹽銀夏等節度

唐書方鎮表大曆十四年

析置河中振武邠寧三節度朔方所領靈夏豐四州

振武領鎮北大都護府及綏銀二州又地理志鹽州五

原郡銀州銀川郡夏州朔方郡俱屬關內道通鑑音注

鹽州治五原縣今州南抵慶州馬嶺縣北界即漢馬嶺

縣地銀州漢西河之固陰固陽縣地也固音銀管內觀

夏州赫連所都統萬也靈州注見制誥五卷

卷之七九

察處置度支營田押蕃部落等使唐書方鎮表開元二十年朔方節度增領

押諸蕃部落使通鑑仍充朔方邠寧振武等道奉天永

平軍行營節度副元帥柱國樓煩郡王渾瑊唐書方鎮表大歷七年

年賜滑毫節度為永平節度十一年增領宋泗二州十

四年增領汴潁二州又地理志嵐州樓煩郡本東會州

屬河東道史記趙世家西有林胡樓煩秦韓之邊正義

曰即嵐州勝州之北也嵐勝以南石州離石蘭等七國

時趙邑神降才傑天資忠厚叶于興運為國輔臣往以

邊也盜起上京駕言出狩羣兇怙亂再犯郊畿時乃奮揚武

威董制師律深居籌畫奸慝寢謀當敵指揮後漢皇甫嵩傳

足以振風雲叱士旅增氣通鑑時士卒凍餒又乏甲冑

咤可以興雷霆城撫諭激以忠義皆鼓舞力

戰

危城克固我代川張重以賊臣蔑恩養寇資亂再罹

艱阻播越巴梁時乃并轡載馳執羈從邁

禮記執羈物而從唐書

潭城傳乘輿進狩山南城以諸軍衛入谷口懷光追騎至後軍擊却之

有見危致命之節

有憂國滅私之誠凜然貞規

顏延之書賢子弟少履貞規長懷理要

介若

金石縱橫有夷難之畧感激陳復國之謀分總偏師徑

出重險秉大節以誓羣帥布寬令以宥脅從師次近郊

摧兇靡抗軍臨近甸下邑如歸推成功以不居期盡敵

以自效率其全衆揚旆前追雄威疾馳元惡授首柔德

懷服餘黨歸心掃闢氛昏安復園寢懋乃嘉績其維格

天書成湯既受命時則范燮之讓能左傳成十六年晉

至范文子欲反曰我偽逃楚可以紓憂夫合諸侯非

吾所能也以遺能者我若羣臣輯睦以事君多矣

聿之殄寇後漢耿弇傳時帝在魯聞弇為步所攻自往

休士以須上來弇曰乘輿且到臣子當擊牛醢酒以待

百官反欲以賊虜遺君父邪乃出兵大戰自旦至昏復

大破之殺傷無數城中溝塹皆滿總是二美城其有焉足以銘勳旂常

周禮夏官司勳凡有功者銘書于王之太常又春官司

常掌九旗之物名日月為常交龍為旂顏師古曰太常

者王之旌也書日月焉垂美竹帛後漢鄧禹傳禹得效

王者有大事則建以行其尺寸垂功名于竹

帛耳史記注索隱曰古未有紙書用竹簡或用帛故云

竹帛猶言青史也吳越春秋聲可託于管絃名可留于

帛宜守台階之列仍疇井邑之賦祗膺時命無替厥庸

可侍中仍賜實封八百戶餘如故

盧翰劉從一門下中書侍郎平章事制

唐書宰相表興元元年

年六月癸丑從一為中書侍郎翰為門下侍郎

寅亮天工

書寅亮天地

宏宣理本俾予從又時乃輔臣扈蹕

載驅以勞定國懋官遷列式是彝章銀青光祿大夫行

尚書兵部侍郎

唐書百官志兵部侍郎二人正四品下通典兵部侍郎二人自注隋煬帝置唐

因之龍朔二年改為司戎少常伯咸亨元年復舊舊制一員總章元年加一員掌署武職武勳官三衛及兵士

以上簿書朝集祿賜假使差發配親士帳內考覈及給武職告身

同中書門下平章事

范陽縣開國公盧翰

唐書地理志范陽縣屬涿州河北道通典范陽漢涿縣在范水之陽

漢涿郡故城亦在此又有漢廣陽國城亦在  
西南有督亢陂澆田膏腴荆軻獻圖于秦  
嚴重不撓

貞方自持養恬鎮俗居簡濟衆言思無隱事必有恆守

刑部侍郎同中書門下平章事  
通典注凡正官皆稱行守其階高而官卑者稱

行階卑而官高者稱守 賜紫金魚袋劉從一質厚氣深識精體遠

勵用無竭貞規不渝從容以和出納惟允自鸞車載駕

禮記鸞車有虞氏之路也通典武德初著令天子鑾輅玉金象革木五等 薄狩于梁執羈有

從我之勤及雷勵匪躬之節交修不逮庶績其凝俾承

命于掖垣仍叅掌以樞務今百度伊始六府載張  
書六府三

事允治注六府即水火金木土穀也六者財用之所自出故曰府 論駁是非不可以不

審宣揚憲令不可以不明爾其欽承無墜我休命翰可

門下侍郎同中書門下平章事散官勳封如故從一可

中書侍郎

唐書百官志

中書省侍郎二人正三品掌貳大政參議焉初學記中書侍郎

魏官也案衛宏漢舊儀曰漢置中書領尚書匈奴營部

一郎民曹一郎謁者一郎此則中書郎已聞漢代沈約

宋志云晉改通事郎為中書侍郎蓋此始也

同中書門下平章事餘如故

劉滋崔造齊暎平章事制

唐書宰相表貞元二年正月壬寅吏部侍郎劉

滋為左散騎常侍給事中崔造中書舍人齊暎並同中書門下平章事通鑑造少與韓會盧車

美張正則為友以王佐自許時人謂之四夔上以造敢言故不次用之滋暎多讓事于造造久

在江外疾錢穀諸使罔上之弊奏罷水陸度支轉運等使諸道租賦悉委觀察使刺史遣官送



京師令宰相分判六曹  
驥判兵部李勉判刑部  
滋判吏禮部造判戶工部  
又以戶部侍郎元秀  
判諸道鹽  
鐵權酒

朕嗣位君臨精求理道小大之務靡不經心日慎一日  
于今八載教化未洽烝黎未康因之以甲兵繼之以灾  
沴斯固鑒有所不至慮有所不周予深浩然若涉深水  
思所以匡我致理助我官人宣其澤而四方以寧執其  
要而百工式敘允是大任其唯輔臣夢想勞懷敷求俊  
又察言而觀行因事以考能周行之中乃得良弼

詩實  
彼周

行傳行列也思君子官賢人置周之  
列位箋云周之列位謂朝廷臣也  
權知吏部侍郎劉

滋〔通典〕檢校試攝判知之官〔注〕知者云知某官事皆是

縣令而使之知縣中之事杜氏〔通典〕所謂檢校試攝之

官是也唐人亦謂之知印其名始于貞元已後其初尚

帶一權字白居易集有裴克諒權知華陰縣令制曰宐假銅墨試其才理待有所立方議正名是權知者不正之名也

操履貞清介然自守居能慎獨重不違仁析理究

其精微勵學探于奧旨守給事中〔唐書百官志〕給事中

左右分判省事〔通典〕給事中加官也所加或大夫博士

議郎掌顧問應對位次中常侍侍中黃門無員以有事

殿中故曰賜緋魚袋崔造性合道要誠通化源適時有

成務之才事上懷匪躬之節蘊蓄器業居為名臣中書

舍人〔唐書百官志〕中書省舍人六人正五品上〔通典〕中

書舍人唐初為內史舍人至武德三年改為中書

舍人置六員專掌詔誥侍從署勅宣旨勞問授納訢訟  
敷奏文表分判省事自永淳以來天下文章道盛臺閣  
毫彥無不以文章達故中書舍人為文  
士之極任朝廷之盛選諸官莫比焉  
賜紫金魚袋齊

曠脩己以立自明而誠體賢人可大之規  
易可大則用賢人之業

君子時中之道虛受能擇清通不流惟滋之直方可以

激風俗惟造之體度可以振條綱惟曠之精深可以該

物理我有大典爾其叅之懋昭厥猷勿替休聞滋可充

散騎常侍同平章事造仍賜金魚袋其有散官封賜並

如故

李納檢校右僕射平章事制  
通鑑音注唐制蕃鎮及諸使僚屬率帶檢

忠所貴乎竭誠善莫大于改過況茂勳有舊崇德日新  
翼戴勵勤王之節經綸申盡敵之畧敦獎之道時唯國  
章平盧淄青節度管內度支營田處置等使開府儀同  
三司檢校工部尚書使持節鄆州諸軍事兼鄆州刺史

隴西郡王李納唐書地理志淄州淄川郡青州北海郡

隴右道通典渭州禹貢曰導渭自鳥鼠同穴即其地也

秦置隴西郡以居隴坻之西為名漢靈帝分立南安郡  
唐為渭州或為隴西郡稟性端厚執心寬簡通變適用和順積中

服勞王家夙有成績乘秋備塞克著威聲唐書李納傳  
納少時為奉

禮郎將兵防秋代宗召見擢殿中丞賜金紫

累歲專城載揚理行閒者心懷

險阻誠義鬱堙

唐書李納傳正己死秘喪不發以兵會

俊救之為燧所破畧盡收洹水德宗詔諸軍合討其從

父洧以徐州歸大將李士真以德州李卿以棣州送款

納恚洧背己且徐險悉集兵攻洧帝命宣武劉元佐督

諸軍進援大破其兵納還濮陽元佐進圍之殘其邪納

登陣見元佐泣且悔遣判官房說與子弟質京師因元

佐謝罪時中人宋鳳朝以納竊欲立功建不可赦帝乃

械說等禁中納于是還鄆與悅李希烈旋能歸款上聞

朱滔王武俊連和自稱齊王置百官

唐書李納傳與元初帝下詔罪已納復歸命

期於率德自效忠節純固久而

益彰爰整銳師式遏亂畧

唐書李納傳李希烈圍陳州納會諸軍破之城下

保

障宋服

通鑑音注保障謂厚民

障謂厚民

填壓浚郊疑如長城作

固東土嘉乃率服之美懋乃輸力之勤擢升袞司褚淵

秩輕于袞司而載董戎翰元成嗣台輔之業前漢宣帝即

任重于百辟爵關內侯食邑本始三年代

位賢以與謀議安宗廟賜爵關內侯食邑本始三年代

蔡義為丞相封扶陽侯年八十二薨少子元成復以明

經歷位至丞相故鄒魯諺曰亞夫繼社稷之勳史記周

遺子黃金滿籩不如一經亞夫繼社稷之勳勃世家

絳侯子勝之坐殺人國除絕一歲文帝乃釋俾爾兼榮

絳侯子賢者河內守亞夫為條侯續絳侯後俾爾兼榮

無替厥服檢校右僕射平章事餘如故

韓滉檢校左僕射平章事制通鑑綱目或言滉聚

疑之以問李泌對曰滉公忠清儉貢獻不絕兵修城陰蓄異志上

撫江東盜賊不起所以修城為迎扈備耳此乃

人臣忠篤之慮奈何更以為罪乎滉性剛嚴不

附權貴故多謗毀臣敢保其無他上曰外議滄

洵卿弗聞乎對曰臣固聞之其子臯爲郎不敢  
歸省正以謗語沸騰故也退遂上章請以百日  
保滉他日又言于上曰臣之上章非私于滉乃  
爲朝廷計也上曰如何對曰今天下旱蝗關中  
米斗千錢倉廩耗竭而江東豐稔願陛下早下  
臣章以解朝衆之惑而諭韓臯使之歸覲令滉  
速運糧儲此朝廷大計也上卽下泌章令臯歸  
覲而諭之曰卿父比有謗言朕不復信關中之  
糧宜速致之臯至滉感悅卽日發米百萬斛聽  
臯留五日卽還朝自送至江上冒風濤而遣之  
陳少遊聞之卽貢米二十萬斛會劉洽得李希  
烈起居注云某月日陳少遊上表歸順少遊聞  
之慙懼發疾卒大將王韶欲自爲留後韓滉遣  
使謂之曰汝敢爲亂吾卽日全軍渡江誅汝矣  
韶懼而止上問之喜謂李泌曰滉不惟安江東  
又能安淮南真大臣之器卿可謂知人遂加滉  
平章事江  
淮轉運使

周召由輔弼之臣兼方伯之任

力伯見後韓滉加檢校右僕射制

蓋以

理化根本在於親人通兆庶之情以佐天子秉家邦之

慶以臨諸侯故能中外允釐上下無壅今我有命意其

在茲金紫光祿大夫檢校尚書左僕射兼潤州刺史御

史大夫充鎮海軍

通鑑建中二年以浙江東西觀察使蘇州刺史韓滉為潤州刺史浙江東

西節度使名其軍曰鎮海唐書地理志潤州丹陽郡

杭州有鎮海軍建中二年置於潤州二州皆屬江南道

浙江東西節度觀察處置等使上柱國南陽郡開國公

韓滉

唐書地理志鄧州南陽郡屬山南道通典鄧州春秋時中伯鄧侯二國之地秦置南陽郡晉為南陽

國及順陽義陽二郡之地隋初改為鄧州唐為鄧州或為南陽郡

文行忠信備修身之



道勤儉貞固有成務之才累更委遇多處繁重一心奉

職終始不渝內告謀猷以匡時化外持憲法以一人心

理尚廉平事皆釐飭唐書韓滉傳時里胥有罪輒殺無貸人怪之滉曰袁晁本一鞭背史

禽賊有負聚其類以反此輩皆鄉縣豪黠不如殺之用

年少者惜身保家不為惡又以賊非牛酒不嘯結乃祭

屠牛以絕其謀奸盜衰息禮義興行惠茲一方時乃之德陳師

旅以遏寇讐通鑑李希烈將兵五萬圍寧陵引水灌之濮州刺史劉昌以三千人守之凡四十五

日不釋甲韓滉遣其將王栖曜將兵助劉洽拒希烈栖

曜以疆弩數千游汴水夜入城明日從城上射希烈及

其坐幄希烈驚曰宣潤納饋糧以修職貢張我威武實

我資儲令必應期謀無愆素濟于多難時乃之功宜其

叅務中樞翼宣大化仍兼漕運兼領蕃經樹南國之風

猷詩滔滔江漢南國之紀瞻中都之廩實予則有望爾其懋哉繼

於前人無替厥服謹按滉宰相韓休之子可檢校左僕射同平章

事依前鎮海軍浙江東西節度觀察處置等使兼充江

淮轉運使餘如故

李勉太子太師制唐書百官志太子太師太傅太保各一人從一品掌輔導皇太

子每見迎拜殿門三師答拜每門必讓三師坐

太子乃坐與三師書前名惶恐後名惶恐再拜

太子出則乘路備鹵簿以從唐書李勉傳貞元

初帝起盧杞為刺史袁高還詔不得下帝問勉

曰衆謂盧杞姦邪朕顧不知謂何勉曰天下皆

知而陛下獨不知此所以為姦邪也時躡其對

然自是益見疏居相二  
歲辭位以太子太師罷

立國之本所係於元良

書一萬人元良以貞

宏教之方必由於

端士非精識前典德冠當時恭敬溫文其將安傲吾是

以輟台階之老選宗室之賢輔翼春闈

職林太子故事東宮謂之春宮

春闈猶言春宮也

是資教諭檢校司徒同平章事充

大清宮使

唐書宰相表興元二月己卯勉加大

清宮使

崇文館大學士

唐書

百官志崇文館學士二人掌

經籍圖書教授諸生課試三年置崇賢館上元二年

舉選如宏文館分注貞觀十

士直學士及雜校皆無常

避太子名改曰崇文館有學

員無其人則庶子領館事開元七年改雜校曰校書郎

乾元初以宰相為學士總館事

上柱國汧國

公李勉

唐書地理志隴州汧陽郡屬關內道

忠信孝友直方簡儉達君臣父子之際禮記立太傅少傅以養之欲其

知父子君臣之道也知禮樂教化之端禮記凡三王教世子必以禮樂樂所以修內也禮所

以修外也虛澹保和貞明寡欲求舊則德懋敘親則屬尊通鑑

音注孔穎達曰漢之同宗有屬籍則周家繫之以姓是也周禮小史之官掌定帝繫世本知世代昭穆屬殊玉

翻謹按李勉傳勉鄭惠王元也師範國儲楊子法言務學不如務求師師

也者人之模範也魏書高允傳殿下國之儲貳無易其選可檢校司徒兼太子

太師散官封勳如故

姜公輔左庶子制唐書百官志左春坊左庶子二人正四品上掌侍從贊相駁正

啟奏總司經典膳藥藏內直典設宮門六局通  
典古者天子有庶子之官職諸侯卿大夫之庶

子掌其戒令與其教理有大事則帥國子而致於太子唯所用之秦因之置中庶子庶子員漢因之有庶子員五人隋分爲左右庶子各二人分統門下典書二坊事唐亦各二人左擬侍中而右擬中書令

君之任臣有優賢賜告之義

漢書高帝紀高祖嘗告諸之田注李裴曰休謁之名

吉曰告凶曰寧孟康曰古者名吏休假曰告漢律吏二千石有予告有賜告予告者在官有功最法所當得也賜告者病滿三月當免天子優賜其告使得帶印綬將官屬歸家治病師古曰告者請謁之言謂請休耳或謂之謝謝臣之事君有量力知止之道老子知不足不辱知止不殆故能

進退以禮終始可勝此朕三事大夫濟理圖全之意也

詩小雅三事大夫莫肯夙夜邦君諸侯莫肯朝夕箋三公及諸侯隨王而行者正義曰鄭言三公者以經三事

大夫為三公也王肅以三事為三公大夫謂其屬按上文正大夫為一人三事大夫不得分為二也且其文對邦君諸侯其意亦謂此為三公也守諫議大夫同平章事賜紫金魚袋

姜公輔

唐書車服志高宗給五品以上隨身魚銀袋以防召命之詐出內必合之三品以上金飾袋垂

拱中都督刺史始賜魚天授二年改佩魚皆為龜其後

三品以上龜袋飾以金四品以銀五品以銅中宗初罷

龜袋復給以魚郡王嗣王亦佩金魚袋景龍中令特進

佩魚散官佩魚自此始也然員外試檢校官猶不佩魚

景雲中詔衣紫者魚袋以金飾之衣緋者以銀飾之開

元初駙馬都尉從五品者假紫金魚袋都督刺史品卑

者假緋魚袋五品以上檢校試判官皆佩魚中書令張

嘉貞奏致仕者佩魚終身自是百官賞緋紫必兼魚袋

謂之章服當時服首舉高第擢居諫曹唐書姜公輔傳

朱紫佩魚者眾矣帝在奉天有言

泚反者請為守備盧杞曰泚忠正篤實奈何言其叛傷

大臣心請百口保之帝知羣臣多勸泚奉迎乘輿者乃

卷之二十九

詔諸道兵距城一舍止公輔曰王者不嚴羽衛無以重威靈今禁旅單寡而士馬處外為陛下危之帝曰善悉  
內諸軍泚兵果至如所言乃擢公爰資美才叅掌密命  
輔諫議大夫同中書門下平章事

居易勵修身之操見危著從我之勤自處台司南史王

僧虔遷侍中左光祿大夫開府儀同三司謂兄子儉曰汝任重於朝行當有八命之禮我若復此授一門有二

台司實所畏懼乃固辭累疏陳乞忌滿思退持盈守謙畱中久之

通鑑音注謂所論事畱在禁中未施用之重難其請式光撝揖俾尹宮坊可

太子左庶子勳賜如故

盧翰太子賓客制

唐書宰相表貞元二年正月壬寅翰罷為太子賓客

求賢審官以康庶績就

閑優秩南史孫謙傳詔加優秩給親信二十人以

處舊臣蓋欲敦終始之恩全進退之禮金紫光祿大夫

行門下平章事范陽郡公盧翰唐書地理志幽州范陽郡屬河北道通典今之

幽州古涿鹿也即燕國之都也秦為上谷郡之地漢高帝謂之渤海之閒亦一都會

郡及廣陽國有獨鹿鳴澤魏更名范陽郡晉為燕范陽更名為燕范陽

二國兼置幽州慕容儁嘗都之北齊置東北道行臺唐為幽州或頃因多難從我於征以其年及老成任推先

為范陽郡進方將求舊擢處台衡荏苒迄今亟淹星歲勤勞既久

衰疾有加詩疾如疾首箋疾猶病也宜徙職於春闈用優賢於暮齒

可太子賓客勳賜如故

崔造右庶子制

唐書宰相表貞元二年造罷為右庶子百官志右春坊右庶子二人



正四品下掌侍  
從獻納啟奏

帝相之職允釐百工時惟仰成不可廢闕中散大夫唐書

百官志正五品上曰中散大夫通典中散大夫王莽所

置後漢因之魏晉無員齊梁視黃門侍郎品服冠幘與

太中同行給事中同平章事上柱國安平縣開國男唐書

志安平縣屬深州河北道賜紫金魚袋崔造頃居掖垣叅掌樞密總

領繁重積勞疹深張衡思元賦思百憂亦既優賢賜之

長告歲聿云暮有加無瘳詩既見君子云胡披誠自陳

章疏三上知止之道守之甚堅處以休閑俾遂頤養易

頤觀其可太子右庶子勳賜如故

所養也

唐陸宣公翰苑集卷第八

平定張佩芳蓀副注釋

新安汪肇龍稚川

程瑤田易田

汪梧鳳在湘

方矩晞原叅訂

制詰

賈耽東都畱守制

唐書賈耽傳耽為山南西道節度使建中三年徙東道德宗在

梁耽使司馬樊澤奏事澤還耽大置酒會諸將俄有急詔至以澤代耽召為工部尚書耽納詔

于懷飲如故既罷召澤曰詔以公代吾且治行  
救將吏謁澤大將張獻甫曰天子播越而行軍  
以公命問行在乃規旄鉞利公土地可謂事人  
不忠矣軍中不平請為公殺之耽曰是何謂耶  
朝廷有命即為帥矣吾今趨觀得以  
君俱乃行軍中遂安俄為東都留守

河洛舊都

書禹貢導河積石至于龍門南至于華陰東  
至于底柱又東至于孟津東過洛汭召誥惟

二月既望越六日乙未王朝步自周則至于豐惟太保  
先周公相宅越若來三月惟丙午鼎越三日戊申太保

至于洛卜宅厥既得卜則經營越三日庚戌太保乃  
以庶殷攻位于洛汭越五日甲寅位成若翼日乙卯周

公朝至于洛則達觀於新邑營洛誥周公拜手稽首曰  
朕復子明辟王如弗敢及天基命定命予乃膺保大相

東上其基作民明辟子惟乙卯朝至于洛師我卜河朔  
黎水我乃卜澗水東澀水西惟洛食我又卜澀水東亦

惟洛食作來以圖及獻卜康誥惟三月哉生魄周公初  
基作新大邑于東國洛四方民大和會周禮地官大司

徒以土圭之灋測土深正日景以求地中  
多暑日北則景長多寒日東則景夕多風日西則景朝  
多陰日至之景尺有五寸謂之地中天地之所合也四  
時之所交也風雨之所會也陰陽之所和也然則百物  
阜安乃建王國焉制其畿方千里而封樹之注鄭司農  
云土圭之長尺有五寸以夏至之日立八尺之表其景  
適與土圭等謂之地中今潁川陽城地為然疏潁川郡  
陽城縣是周公度景之處古迹猶存案春秋左氏武王  
克商遷九鼎于洛邑欲以為都不在潁川地中者武王  
欲取河洛之間形勝之所洛都雖不在地之正中潁川  
地中仍在畿內通典河南府洛州蓋周之舊都昔武王  
克殷定鼎於邲邲至成王營成周卜澗水東漚水西而  
宅洛邑是為王城又於漚水東卜亦吉遷殷頑人居之  
平王因犬戎之亂自豐東遷而居王城則東周之始王  
也凡周漢魏晉後魏隋至於我唐并為帝時巡久曠命  
郡今號為東京後改號東都領縣二十六

以居守俾之保綏閒者淮甸不寧汝墳屢警增置軍府

唐書方鎮表至德元載置東畿觀察使領懷鄭汝陝四州建中二年置河陽三城節度使以東畿觀察使兼之尋置使增領東畿五縣及衛州作藩王畿職任既分威望非重思有總

制一其典刑爰資信臣往又東夏書庸建爾于上銀青

光祿大夫守工部尚書魏國公賈耽唐書地理志魏州魏郡屬河北道

豁達貞方識通大體明九域山川之要究五方風俗之

宜唐書賈耽傳耽嗜觀書老益勤尤悉地里四方之人

山川夷岨必究知之方吐蕃盛強盜有隴西異時州縣遠近有司不復傳耽乃繪布隴右山南九州且載河所

經受為圖又以洮湟甘涼屯鎮額籍道里廣狹山險水原為別錄六篇河西戎之錄四篇上之又圖海內華夏

廣三丈從三丈三尺以寸為百里并撰古今郡縣道四夷述其中國木之禹貢外夷本班固漢書古郡國題以

墨今州縣以朱川落疏列多所釐正或指畫問其邦人  
咸得其真又著真元十道錄以貞觀分天下隸十道在  
景雲為按察開元為採訪廢置升降備焉  
恆因物情以施教化所蒞之郡霽

其休聲悅李廣之風人皆自便史記李將軍傳廣行無  
部伍行陣就善水草屯

舍止人人自便不擊刁斗以自衛幕府  
省約文書籍事然亦遠斥候未嘗遇害  
懷羊祜之德敵

不敢侵晉書羊祜傳每與吳人交兵尅日方戰不為掩  
襲之計將帥有欲進譎詐之策者輒飲以醇酒

使不得言軍行吳境刈穀為糧皆計所侵送絹償之每  
游獵常止晉地若禽獸先為吳人所傷而為晉兵所得

者皆封還之於是吳人翕然  
悅服稱為羊公不之名也  
自誠而明在久彌著分我

憂寄實為其人董制軍師禮記謀人之軍  
師敗則死之安集疲瘵統

禦都邑提持紀綱懋昭厥猷無替朕命可守本官兼御

史大夫充東都畱守東都畿汝州都防禦觀察等使唐書

方鎮表乾元元年汝州隸豫許汝節度大歷十四年復

置東畿觀察使復領汝州建中二年以汝州隸河陽尋

復舊復置陝西防禦使通鑑音注雍

華同商岐幽為京畿洛汝為都畿判東都尚書省事

散官勳封如故

崔縱東都畱守制

唐書五王列傳貞元元年天子

尋為河南尹入為太常卿封

常山縣公卒贈吏部尚書

居守之重

左傳郤至佐中軍苟瑩居守

固難其人近歲以來益又繁

綜領廉察之任專禦備之權地廣務殷一皆咨稟非利

用罔以通濟非純德不能保綏曷咨前公論有屬銀

青光祿大夫行尚書吏部侍郎上柱國安平縣崔縱素

風自遠代濟忠貞

唐書五王列傳縱崔渙之子博陵郡王崔元暉曾孫德宗徙梁州縱追扈

不及左右短縱素善懷光殆不來帝曰知縱者朕也非爾輩所及後數日至

慶之所鍾繼有

才哲氣質淳茂識度淹通蘊經遠之沉謀宣適時之利

用寬而不弛簡則能周以茲公方多歷要重小大之務

必聞休聲輟於周行式是東夏擢居春官之長

周禮小宰以官

府之六屬舉邦治三曰春官其屬六十掌邦禮大事則從其長小事則專達又序官乃立春官宗伯使帥其屬而掌邦禮以佐王和邦國通典唐虞之時秩宗典三禮周禮春官大宗伯掌建邦之天神人鬼地祇之禮後漢尚書吏曹兼職魏尚書有祠部曹後周置春官卿至隋置禮部尚書統禮部祠部主客膳部四曹唐龍朔二年



改禮部尚書為司禮太常伯咸亨元年復舊光宅元年  
改禮部為春官唐書百官志禮部尚書一人正三品掌  
禮儀祭享貢舉之政其屬有四一曰且兼副相之雄懋  
禮部二曰祠部三曰膳部四曰主客

昭厥庸期復先構可檢校禮部尚書兼御史大夫充東

都畱守判東都尚書省充東都畿汝唐鄧等州都防禦

觀察處置使唐書方鎮表貞元元年廢東都畿汝州節度置都防禦使以東都畱守兼之增領唐

鄧二州二年升東都畿汝州都防禦使為都防禦觀察使地理志汝州臨汝郡屬河南道沁州淮安郡武德五年以唐城山更名屬山南道

唐鄧注見前制誥七卷南陽散官勳封如故

普王荆襄江西道兵馬都元帥制唐書地理志普州安岳郡屬劔

南道通鑑音注普州漢牛鞞江資中三縣地後周置安岳縣並置普州至京師二千三百六

十里至東都三千二百三十一里唐書十一宗諸子  
列傳舒王諡初名謨大歷十四年始王舒與通  
虔肅資四王同封拜開府儀同三司李希烈反  
招討使李勉戰不勝奔宋州朝廷大震乃拜謨  
揚州大都督荆襄江西沔鄂節度使諸軍行營  
兵馬都元帥改名諡軍中以哥舒翰由元帥敗  
而王所封同之  
帝乃使徙王普

君人立極所務於勝殘秉律成師

左傳彘子曰成師以出聞敵疆而退非夫

也實先於謀帥申明號令總持紀綱宏九合之功決百

勝之畧非慎簡不可以濟事非僉屬不可以臨人集大

勳者必舉於宏綱體至公者無避於內舉

左傳祁大夫外舉不避仇

丙舉不失親

爰擇蕃翰

晉書八王傳史臣曰有晉鬱興載崇藩翰

俾掌元戎

詩小雅

戎千乘以先啓行傳元大也夏后氏曰鉤車先正也殷曰寅車先疾也周曰元戎先良也箋云鉤輦行曲直有

正也寅進也二者及元戎皆可以先啓突敵陣之前行杜預左傳注元戎兵車在前者漢書董賢傳往悉爾心

統辟元戎師古注元戎大衆也言爲元戎之主而統之也開府儀同三司舒王謨唐書

地理志舒州同安郡屬淮南道續通典舒州漢皖縣屬廬江郡唐改舒州以其地古舒子之國也性稟

忠厚訓知禮樂居常樂善東觀漢記明帝詔書示諸國曰詔問東平王蒼曰處家何

等最樂對曰動不遠仁察其內恕外溫必能安人和衆

爲善最樂師體方識敏諒可成功庶乎知子之明授以貞師之律易

出以律師可揚州大都督唐書地理志揚州廣陵郡大都督府屬淮南道通鑑音注揚州

漢廣陵江都之地自漢以來揚州所治不常厥邑至唐廣陵始專有揚州之名舊志揚州京師東南二千七百

五十三里至東都一千七百四十九里又〔文獻通考〕太

極初并益荆揚為四大都督府開元十七年加潞州為

五焉其餘都督定為上中下等凡大都府置大都督一

人親王為之多遙領其任亦多為贈官長史居府以總

其持節充荆襄江西沔鄂等道節度使〔唐書方鎮表〕乾元二年置鄂岳

沔三州都團練守捉使治鄂州永泰元年升鄂州都團

練使為觀察使增領岳蕲黃三州荆襄江西注見制誥

卷五及諸軍行營兵馬都元帥餘如故仍賜名諡改封普

王嗚呼小子諡其敬聽朕命我國家之有天下百七十

載於茲矣祖宗垂化紹統功德繼茂威加殊俗惠洽普

天海隅蒼生代受亭育躋之於福壽煦之以仁和源廣

流長慶深祚遠歷數有嗣續於朕躬兢兢業業懼不負

論范集 卷之八 六

荷慶恭寅畏歲五周星循列聖之耿光稽上古之謨訓

一物失所是用疚心萬方有罪每懷咎已懸法皆考於

天則舉事必酌於人謀期合大中罔循私欲而涉道猶

淺燭理未明文闕於化成易觀乎人文武乏於定亂法

解克定禍刑賞失中授任乖方厚澤未均大信未著致

使兇慝熾禍干紀亂常悖違君親蔑棄天地盜據我都

邑痛毒我士庶驅脅丁壯暴骸於原野攘奪羸老轉死

於溝壑忠良隕命義烈銜冤迫以兇殘莫由自奮憤深

骨髓怨結蒼旻爾雅釋天穹蒼蒼天也春為蒼天朕所

夏為旻天秋為旻天冬為上天

以中霄屢興終食

三歎哀蒼生之無告闕赤子之非辜

為人父母寧忘愧

悼賴三事大夫竭誠於內羣帥爪牙

宣力於外交修不逮日冀康寧江漢上游

通鑑音注江

昌以下漸漸向北

流蓋南紀諸山所迫坡陁之勢漸使

之然也故建康謂

歷陽皖城以西皆曰江西而江西亦

謂建康為江東建

康謂采石為南州京口為北府祝穆

曰天下之大川以

漢名者二班固謂之東漢西漢東漢

則禹貢之漾漢其

源出於今興元之西縣嶓冢山逕洋

余房均襄郢復至

漢陽入江者是也西漢源出于西和

州徽外徑階沔州

與嘉陵水會又徑大安軍利劔閬果

合與涪水會至渝

州入江綱目集覽游即流也謂居水

之上建瓴制寇也

史記高祖紀譬猶居高屋之上建瓴水

而翻瓴水言其

注如淳曰瓴盛水瓶也居高屋之上

向下之勢易也

巨千里之地連千萬之師保大定功宐

有統壹允副茲選往哉汝諧書舜無以貴驕人無以善

自伐無縱已之欲無拂衆之謨從諫如流改過勿吝卑

躬降志以奉賓傅絕甘分少以撫軍師漢書司馬遷傳

夫絕甘分少師古注自絕旨甘而與衆人分之共同其少多也布誠信以歸人心明賞

罰以盡士力詰姦誅暴懋昭乃勳敬事恤人無替朕命

膺茲重任可不勉歟建中四年九月二十六日

馬燧渾瑊副元帥招討河中制通鑑先是上命渾瑊駱元光討李懷

光軍于同州懷光遣其將徐庭光以精卒六千軍于春長宮以拒之瑊等數為所敗不能進時

度支川度不給議者多請赦懷光上不許李懷光遣其妹婿裴延珍守晉州牙將毛朝敬守照

州鄭初守  
戒河中終  
師加馬惔  
行營副元  
使唐朝臣  
兵討懷光  
合

慈州馬燧皆遣人說下之士乃加渾  
州節度使河中同華陝虢行營副元  
奉誠軍管隰慈節度使充管內諸軍  
帥與鎮國節度使駱元光鄜坊節度

天地殊位君臣異制苟不率道茲謂亂常退而增修于

是有舞干之義書舞于羽論以遷善于是有文告之辭

左傳告之以文詞董之以武帥若猶不悛乃用致討興戎動衆豈得已

哉李懷光擢自軍候後漢百官志大將軍營五部部校

有軍候一人委之節制亟有勤績累加寵榮總衆駿奔自遠

赴難解圍逐寇朕甚德之位極上台寄崇總帥親之若

命



同體信之無閒言朕于斯人亦已厚矣而器小任重固

貽顛覆有功自弃無罪自疑

古文淵鑒注時上欲親總禁兵幸咸陽趣諸將進討

或謂懷光此漢祖遊雲夢之策也懷光懼反謀益甚

崇信讒邪脅逐將帥養寇資

亂畜奸幸灾朕素所推誠猶謂非實優容任遇坦然如

初凶跡既盈醜跡彌露謀危社稷通結渠魁公相往來

無復忌畏窮極兇悖所不忍言

通鑑綱目詔加懷光太尉賜鐵券使人諭旨懷

光對使者投鐵券

于地詞氣甚悖左兵馬使張名振當

軍門大呼曰太尉

視賊不擊待天使不敬果欲反耶懷

光曰我不反欲蓄

銳以候時耳懷光又發卒城咸陽移

軍據之名振曰乃

者言不反今不攻長安殺朱泚取富

貴而拔軍此來何

耶懷光殺之懷光潛與朱泚通謀其

養子不漢芬遣客

詣行在告之事覺懷光召漢芬責之

曰我以爾為子奈何負我演芬曰天子以太尉為股肱  
太尉以演芬為腹心太尉既負天子演芬安得不負太  
尉乎懷光使左右嚮食之皆朕播遷巴梁違遠陵寢

曰義士也以刀斷其喉而去  
懷光逼帝自大懼失墜為列聖羞賴先澤在人兆庶知  
奉天幸山南

感朔方將士忠節不渝

通鑑綱目懷光遣其將孟保惠  
靜壽孫福達將精騎趣南山邀

車駕至盩厔相謂曰彼使我為不臣我以追不及報之  
不過不使我將耳帥眾而東縱之剽掠由是百官從行  
者皆得入駱谷以追不懷光既沮姦謀詭稱效順累陳  
及還報懷光皆黜之

欵疏請詣闕廷朕深惟舊勳務欲全貸授以師保之任

唐書李懷光傳有詔以懷光為太子太保疇其井賦之  
許其麾下擇功高者一人統其兵不奉詔

食鹽書勞問

蔡邕獨斷天子璽以玉螭虎紐古者尊卑  
共之月令曰固封璽春秋左氏傳曰魯襄

公在楚季武子使公治問璽書追而與之此諸侯大夫  
印稱璽者也衛宏曰秦以前民皆以金玉為印龍虎紐  
唯其所好然則秦以來天子獨以璽臣莫敢用也誓以終始懷光遂殺

辱使臣完聚守保通鑑副元帥判官高郢數勸李懷光

東身歸朝詔遣孔巢父詣河中宣慰朔方將士悉復官  
爵孔巢父至河中懷光素服待罪巢父不之止懷光左

右多胡人皆歎曰太尉無官矣巢父又宣言于眾曰軍  
中誰可代太尉領軍者于是懷光左右發怒殺巢父懷

光亦不之止復治將以悖慢之罪加于忠義之軍謹按朔方

兵為拒守之備軍士自安史亂後最為有功推忠義軍因茲脅從冀與同惡謂眾可罔謂

天可欺覆載所不容人心所共弃討除大憝招輯非辜

爰咨輔臣以董戎寄銀青光祿大夫檢校司空同中書

門下平章事兼太原尹北都留守充河東保寧軍節度

使北平郡王馬燧

唐書方鎮表景雲二年北都長史領持節和戎武等諸軍節度使開元

五年領天兵軍大使八年更天兵軍大使為節度使十

一年更天兵軍節度為大原府以北諸軍州節度河東

道支度營田使兼北都留守領太原及遼石嵐汾代忻

朔蔚雲九州治太原十八年更太原府以北諸州節度

為河東節度與元元年賜河東節度號保寧軍節度地

理志平州北平郡屬河北道一統志北平春秋時山戎

肥子二國地漢末為公孫度所據魏改盧龍

郡北燕置平州樂浪郡後魏改為北平郡

器宇宏達乘難奪之節負不羈之才前漢司馬遷傳常

持至公深識大體感激而三軍有勇彌綸而庶績允諧

威聲所臨郡邑皆復殿於北土

唐書馬燧傳時天下方騷北邊數有警燧念晉

陽王業所基宜固險以示敵乃引晉水架汾而屬之隱  
城瀦爲東隍省守陴萬人又釀汾環城樹以固隄

若長城奉天定難功臣開府儀同三司行侍中兼靈州

大都督靈鹽豐夏等

州

唐書地理志豐州九原郡屬關內道通鑑音注豐州漢朔方臨

戎縣地隋開皇五年置豐州因鎮爲名節度使管內度  
靈注見制誥五卷鹽夏注見制誥七卷

支營田觀察處置押蕃部落等使充朔方邠寧振武等

道

唐書方鎮表大歷十四年析置河中振武邠寧三節

度朔方所領靈鹽夏豐四州西受降城定遠天德二  
軍振武節度復領鎮北大都護府及銀綏二州東中二  
受降城乾元二年置邠寧節度領州九邠寧慶涇原鄜

坊丹

奉天永平等軍

行營節度兵馬副元帥上柱國樓

煩郡王渾瑊淳粹積中仁厚成性布寬大以容衆著誠

信以撫人事必沉詳臨危益辦節惟貞固在險逾彰宏

濟艱難懋昭勳史記高祖功臣侯年表序古者人臣功有五品以德立宗廟定社稷曰勳

以言曰勞用力曰功明其等曰伐積日曰閱出納朕命光膺具瞻詩民具並爾瞻

文武全材安危注意史記陸賈傳天下安注相天下危注意將副我憂屬

時惟二臣比德協謀往清多難燧可兼充奉誠軍及晉

隰磁等州節度唐書方鎮表興元元年罷京畿節度以同州為奉誠軍節度領同晉隰磁四州

管內諸軍行營兵馬副元帥餘並如故城可兼河中尹

充河中絳州觀察處置等節度使仍充河中絳州同陝

號等管內諸軍行營兵馬副元帥功臣散官勳封如故

嗚呼朕不敏不明失于君道連禍未息勞師靡居中心

自咎鬱若焚灼又以朔土之衆代著忠勞橫遭汚脅深

所憫惜爾其敬敷朕命明諭朕懷務於招綏非黷威武

國語倉葛呼曰臣聞之曰武不可  
觀文不可匿觀武無烈匿文不昭惟輸誠歸順罔有不

赦惟執逆拒命罰止元兇寧失不經書與其殺不辜寧失不經無濫

無罪列爵懸賞用俟勳賢布告遠邇咸令知悉

李晟鳳翔隴西節度兼涇原副元帥制通鑑綱目  
李晟以涇

州傍邊屢害軍帥奏請往治不用命者力田積粟  
以攘吐蕃遂以晟兼鳳翔隴右節度等使時李

楚琳入朝晟請與俱至鳳翔斬之以懲逆亂上  
以新復京師務安反仄不許晟至鳳翔治殺張

鑑之罪斬裨將  
王斌等十餘人

周之元老以分陝為重

詩方叔元老  
克壯其猷

漢之丞相以憂邊

見稱

前漢丙吉傳吉馭  
丞相車上西曹主

吏者酒數逋蕩嘗從吉出醉歐  
吏白欲斥之吉曰以醉飽之失

去士使此人將復何所容西曹地忍之此不過汗丞相

車茵耳遂不去也此馭吏邊郡人習知邊塞發奔命警

備事嘗出適見驛騎持赤白囊邊郡發奔命書馳來至

馭吏因隨驛騎至公車刺取知虜入雲中代郡遽歸府

見吉白狀因曰恐虜所入邊郡二千石長吏有老病不

任兵馬者宜可豫視吉善其言召東曹案邊長吏瑣科

條其人未已詔召丞相御史問以虜所入郡吏吉具對

御史大夫卒遽不能詳知以得譴讓而吉見謂憂邊思

職馭吏

力也故方岳克寧疆場不聳安人保大致理之端今

所以重煩上台作鎮西土奉天定難功臣司徒兼中書



令充神策軍節度鄜坊丹延等州唐書地理志丹州咸寧郡延州延安郡屬

關內道通鑑音注丹州古孟門河西之地西魏置汾州

義川郡延州漢上郡膚施之地元魏之末置東夏州西

魏改曰延州觀察處置等使仍充京畿渭北鄜州華州

隋曰延安郡兵馬副元帥唐書方鎮表上元元年置渭北鄜坊節度

使治坊州大歷六年渭北鄜節度使更名

渭北節度使建中四年渭北節度徙治上柱國合川郡

鄜州興元元年以華州置潼關節度使王李晟勵精剛之操體博大之德適時通變而大節不

奪虛受廣納而獨斷自明奉法以身推功以下衆無犯

命人用樂從懷德畏威令行禁止通鑑綱目晟遣兵馬

使田子奇以騎兵追

泚令諸軍曰晟賴將士之力克清宮禁長安士庶久陷

賊庭若小有震驚非弔民伐罪之意晟與公等室家相

見非晚五月內無得通家信大將高明鑿取賊妓尚可  
孤軍士取賊馬最皆斬之軍中股栗公私安堵秋毫無  
犯誓羣帥于危疑之際駐孤軍于版蕩之中唐書李晟傳是時晟

提孤軍橫當寇鋒恐二盜合以軋之則卑詞厚幣偽致  
誠于懷光者時敖膺卑芟乃使張或假京兆少尹多署  
吏調畿內賦不淹旬芻米告具乃陳兵下令曰國家多  
難乘輿播遷見危死節自吾之分公等此時不誅元兇  
取富貴非豪英也渭橋斷賊首尾吾欲與公戮氣凌風  
方一心建不世之功可乎士皆雪泣曰唯公命

雲後漢二十八將論威能誠動天地一鼓而兇徒懾北  
感會風雲奮其智勇再駕而都邑廓清師皆  
史記注服虔曰人好陽而惡陰  
北方幽陰之地故敗軍曰北

如歸人不知戰再安社稷功格皇天而明識秉彝清風

激俗雅尚恬曠撫謙有光朕以汧隴近郊括地志隴州汧源縣西六

十里有沂山東隣汶岫西接隴崗沂水出焉東入  
渭一統志隴在鳳翔府西北六十里即隴山也扶風

右地前漢注師古曰扶風在夕陰街北入故主爵府又

為右扶風三輔黃圖扶風言扶助天子風川阜連巨爾

化唐書地理志鳳翔府扶風郡屬關內道

釋地大陸曰阜抵於回中史記匈奴傳使奇兵入燒回

說文巨竟也

武帝作宮正義曰括地志云秦回中宮在岐州雍縣西

四十里即匈奴所燒者也一統志回中宮在鳳翔府隴

州西北一百四十里秦所建也漢文

帝時匈奴入蕭關燒回中宮謂此限界諸夷蕃屏王

室所屬誠重付之元臣兼二將之甲兵謹按晟鳳隴節

度禮記十國以崇十連之元帥為連連有帥宣威耀武罷警息兵俾

予仰成時乃丕烈可兼鳳翔尹充鳳翔隴右節度營田

度

觀察處置等使

唐書

百官志西都東都北都鳳翔成都

品方鎮表至德元載

置京畿節度使領京兆同岐金商

五州是年以鳳翔同

州隸河中開元五年置隴右節度

亦曰隴西節度兼隴右道經畧大使領秦河

渭鄯蘭臨武洮岷廓

疊巖十二州治鄯州

仍充鳳翔

隴右涇原節度

唐書

方鎮表大歷三年

管內諸軍及四

鎮北庭

謹按舊史貞觀十四年平高昌以其地置西州

建安西都護府撫寧西域統龜茲于闐外焉耆

疎勒四國故謂之四鎮一統志高昌本漢時車師前後

王地前王治蒲類縣去長安八千九百里貞觀中平高

昌以其地置西州及都督府開元中改金山都護府天

寶初改州為交河郡領高昌柳中蒲昌天山五縣後王

地與高昌相影響及高昌平懼而來降以其地置庭州

領金滿蒲類滄臺三縣長安初置北庭都護府後俱陷

于吐

蕃行營兵馬副元帥改封西平郡王

唐書地理志鄯州西平郡下鄯

督府屬 功臣本官兼官如故  
隴右道

劉洽檢校司空充諸道兵馬都統制

唐書劉元佐傳希烈攻陳

州元佐救之希烈走遂進取汴州詔加汴宋節度使陳州諸軍行營都統元佐本名洽至是賜

名以尊寵之

論道經邦允歸碩望建牙統衆

水鏡經凡軍初出立牙竿必令完堅若有折損

將軍不利牙門旂將軍之精也南都新書近代通謂公

庭為公衙即古之公朝也字本作牙詩曰祈父子王之

爪牙祈父司馬掌武備象獸以爪牙為衛故軍前大旂

謂之牙旂出帥而有建牙禡牙之事軍中聽號令必至

牙旂之下與府朝無異近俗尚武是以

通呼公府門為牙門字訛變轉為衙 必籍雄才中外

具瞻安危注意今以三柄付之元臣開府儀同三司檢

校尚書左僕射同中書門下平章事持節宋州諸軍事

兼宋州刺史

唐書地理志宋州睢陽郡屬河南道通典宋州高辛氏子闕伯所居商邱也周武王

剋殷以封微子啟是為宋國

充宣武軍節度營田宋亳潁等州觀察

處置等使

唐書方鎮表建中二年置宋亳潁節度使治宋州尋號宣武軍節度使地理志亳州譙郡

潁州汝陰郡屬河南道續通典亳州春秋為東國之譙邑後周武帝置亳州遙取古南亳之名以名州通典潁

州春秋時胡子國也

仍權知汴滑宋亳等州都統兵馬事懷德郡

王劉洽

唐書地理志滑州靈昌郡屬河南道竇州懷德郡屬嶺南道通鑑音注滑州治白馬春秋衛之

漕邑宋衛兵爭以滑臺為重鎮隋開皇三年置滑州取滑臺為名也通典竇州秦屬南海郡二漢屬蒼梧郡唐

武德五年置南扶州貞觀八年改為竇州或謂懷德郡汴注見制誥四卷

秉志端亮飭躬簡

儉博厚足以容衆和易足以長人純孝榮親唐書劉元佐傳

貴母尚在賢婦人也常月織絨一端示不忘本數教敕

元佐盡臣節見縣令走廷中白事退戒曰長吏恐懼卑

甚吾思而父吏于縣亦當爾而據案當

之可安乎元佐感悟故待下益加禮 盡忠事國分我

闔寄殿于大藩扼制淮夷書淮夷蠙珠暨魚詩保障楚

甸唐書劉元佐傳李希烈之反元佐與李戎捷繼至軍

勉陳少遊哥舒曜聯兵屯淮汝數困賊

聲再揚殪羣兇於宛唐書地理志宛屬陳州史記

宛屬陳州史記 宛唐書地理志宛屬陳州史記

宛屬陳州史記 宛唐書地理志宛屬陳州史記

宛屬陳州史記 宛唐書地理志宛屬陳州史記

野控引漕輓委輸京師史記平準書置平準於京師都

受天下委輸唐書劉元佐傳時

李納叛李洧以徐州歸納急攻之詔元佐援予嘉乃勳

懋乃貞節用錫丕命俾揚洪休燮贊三台

周禮春官大宗伯以燹燎

祀司中司命注司中三能三階也音義能他來反疏武陵太守星傳云三台一名天柱上台司命為太尉中台

司中為司徒下台司祿為司空

紀綱羣帥式是大任爾惟欽哉可檢校

司空同中書門下平章事依前宣武軍節度使度支營

田宋亳等州觀察處置等使仍充宋亳潁等州管內諸

軍兵馬都統散官勳封如故





唐陸宣公翰苑集卷第九

平定張佩芳蓀剛注釋

新安汪肇龍稚川

程瑤田易田

汪梧鳳在湘

方矩晞原叅訂

制誥

渾城京畿金商節度使制

唐書渾城率守

城傳帝狩奉天人子弟以從授

行在都虞侯京畿渭北節度使  
四年置京畿渭南節度觀察使

方鎮表建中領金商二州

王者之制安不忘危宏其道則文武齊致教其人則農

戰兼務前漢東方朔傳朔上書陳農戰脩埽清氛穢故雖縣

丙禮記天子之縣丙注縣丙夏時天子所居州界名也殷曰畿詩殷頌曰邦畿千里維民所止周亦曰畿

不可去兵况密邇寇虞干紀稔慝都邑郊甸騷然靡寧

聿求信臣特建戎號濟人夷難允屬勳賢後漢二十八將論授受惟

庸勳賢通鑑唐肅宗上元元年黨項京畿渭北節度使等羗吞噬邊鄙將逼京畿乃

分邠寧等州節度為鄜坊丹延節度亦謂之渭北兵部

節度音注邠寧節度領州九分四州為尚書行在左都虞候左昭二十年傳數之薪蒸虞候守

置開府一人掌兵候伺非從七品煬帝三年太子左右外官

虞候開府改為左右虞候率正四品書百官志外官

中軍都虞候一人又兵志魚朝恩以觀軍容宣慰使知神策軍兵馬使又用愛將劉希暹為神策虞候主不法通鑑音注隋文帝于東宮置左右虞候府掌斥候是後州鎮各置虞候以為衙前之職以備候不虞名官渾

瑊忠貞博厚溫恭簡肅持重不撓好謀而成居業克敦

其詩書

左傳僖二十七年晉侯蒐于被廬作三軍謀元帥趙衰曰卻縠可臣亟聞其言矣說禮樂而敦

詩書 受賜每陳於廊廡

前漢竇嬰傳所賜金陳廊廡下軍士過輒令財取為用金無入家者

師古注廊堂下周屋也廡門屋也

能推誠而撫下不伐已以拒人委任

中外咸著聲績夷險一貫隱然殿邦朕越在郊坰偏於

兇醜授之師律式是戎昭

左傳戎昭果毅以聽之之謂禮疏昭明也兵戎之事明此

果毅以聽之

侍衛增嚴斥候無爽

左傳納斥候史記李廣傳注索隱曰斥度候視也望

也 檢身齊衆同士伍之勞苦敦陣整旅壯行列之威容

靜以伐謀動而制勝臨危勵節予有賴焉王圻之內沃

壤千里緜亘商嶺通鑑音注商嶺即商山也所謂繞雷

此路之險自藍田至內鄉開新道七百餘里迴山取塗

人不病涉謂之偏路行旅便之杜佑曰七盤即王莽所

謂繞雷之固南當荆楚者也繞雷者言四面屏於南門

塞阨屈曲水回繞而雷今謂之七盤十二緜 觀風靖人詰禁誅暴俾爾兼領用孚於休可京畿渭北

渭南金商節度觀察處置等使餘並如故唐書地理志

屬山南道商注

見前制詰四卷

金州漢陰郡

### 杜亞淮南節度使制

淮海輿區一方都會

禹貢淮海惟揚州通鑑音注揚州江淮之都會也轉運鹽鐵使及度

支之貨財聚焉兼水陸漕輓之利有澤漁山伐之饒

前漢地理志江南地

廣或火耕水耨民食魚稻以漁獵山伐為業

俗具五方地綿千里聿求良牧

豈易其才今又革車方輿軍賦屢調體於寬大則事缺

務於辦集則人殘自非剛柔適中文武兼備其何以副

我憂屬惠綏南方正議大夫

唐書百官志正四品上曰正議大夫文獻通考正議

大夫隋散官蓋取秦大夫掌議論之義唐因之

行尚書刑部侍郎上柱國扶風

縣開國男杜亞

唐書地理志扶風縣本漳川武德三年析岐山置以漳水名之屬鳳翔府關內

道識精體要學究宗派妙於用而有常通其變而能久

為理敦教化之本立言參禮法之中道無緇磷行有枝

葉禮記天下有道則行有枝葉回翔省闈九歌君回翔兮以下洪興

祖注回翔猶翺翔也漢書谷永傳臣思慕之心常存于

省闈蔡邕獨斷天子所居曰禁中後曰省中孝元皇后

父名禁當表彌綸獻納之勤踐歷方州著清淨循良之

時避之

稱其嚴重可以鎮俗晉書郭璞傳倚其才術可以匡時

休有令聞輝映朝列朕以東南思又注意求賢爰輟名

臣俾寧藩服注見制誥往率厥職時惟欽哉可揚州大

都督府長史兼御史大夫充淮南節度觀察處置等使

虔王申光隨蔡等州節度使制唐書十一宗諸子

傳虔王諒以王拜

開府儀同三司貞元二年領蔡州節度大使以吳少誠為留後方鎮表大歷十四年淮西節度使復治蔡州是年賜號淮寧軍節度尋更號中光蔡節度使

自昔哲王疆理天下必選其明德

詩我疆我理左傳昔武王克商成王定之

選建明德以藩屏周樹之宗親叅制藩維夾輔王室

左傳四年齊侯以諸侯之

師伐楚管仲曰昔召康公命我先君太公曰五侯九百

汝實征之以夾輔周室後漢書光武紀周封八百同姓

諸姬並為建國夾輔王室尊事天子賢戚並建

庾信樂府多士歸賢戚維城屬茂親左傳並建聖哲

時惟休哉長淮之西

水經淮水出南陽平氏縣胎簪山東北過桐柏山東至廣陵淮浦縣

入于海厥壤千里人靡寧息于茲有年朕其永懷慄若焚

灼思得良帥代予安人釋其危疑彰我信惠以親而授



其在於茲開府儀同三司虔土諒唐書地理志虔州南康郡屬江南道性

本溫恭生知忠孝祗服訓導躬行不渝言皆副誠事必

求當端慎可以鎮俗寬厚可以長人易君子體仁足以長人底綏

一方庶允憂屬可申光隨蔡等州節度副大使管內觀

察處置等使餘如故唐書地理志申州義陽郡光州弋陽郡屬淮南道隨州漢東郡屬山

南道蔡州汝南郡屬河南道續通典申州春秋之申國

魏文帝立義陽郡周武帝改為申州光州春秋弦國魏

置弋陽郡梁末于光城置光州文獻通考隨州春秋隨

侯之國秦二漢並屬南陽郡西魏置并州後改曰隨州

蔡州春秋時沈蔡二國之地漢置汝

南郡唐為豫州寶應元年更名蔡州

唐朝臣振武節度論惟明鄜坊觀察使制

分命使臣統臨方岳弛張之道蓋亦從宜近甸無虞則

但廉風俗邊陲式遏

詩式遏寇虐

則兼假旌旄

周禮春官司常掌九旗之

物名全羽為旒析羽為旌汗全羽析羽皆五采繫之于

旒旌之上所謂注旄於干首也爾雅釋天注旄首曰旌

按周禮序官夏采注夏采夏翟羽色禹貢徐州貢夏翟

之羽有虞氏以為綏後世或無故染鳥羽象而用之謂

之夏采其本職注云以旄牛尾為之綴于幢上所謂注

旄于干首者公彥案鍾氏染鳥羽以為王后之車飾亦

為旌旗之綏則旌旗亦有鳥羽獨云旄牛尾舉一邊而

言其實兼有又爾雅疏亦謂竿之首有旄有羽也唐書

百官志都統總諸道兵馬不賜旌節節度使總軍旅顯

誅殺初授詣兵部辭見辭日賜雙旌節行則建節樹六

纛名制雖殊委任俱重膺是選命莫非勳賢開府儀同

三司檢校兵部尚書兼鄜州刺史鄜坊丹延等州節度

使

觀察處置等使平樂郡王唐書地理志昭州平樂郡屬嶺南道通典昭州秦桂林郡

地二漢屬蒼梧郡唐武德四年置樂州貞觀八年改爲昭州唐朝臣嘗總偏師遘於

多難仗義率衆臨危不廻保全關衝抗絕兇逆通鑑綱目先是

李納遣其將王溫會魏博兵共攻徐州李洧遣王智興

詰闕告急智興善走不五日而至詔朔方大將唐朝臣

將兵五千人與宣武劉洽神策兵馬使曲環滑州李澄

共救之時朔方軍資裝不至旗服弊惡宣武人喧之曰乞

子能破賊乎朝臣以其言激怒士卒且曰都統有令先

破賊者營中物悉與之士皆爭奮青魏兵大潰洽等乘

之斬首八千級溺死過半朔方軍士盡得其輜重旗服

鮮華乃謂宣武人曰乞子之功孰與宋多乘勝逐北至

徐州城下青魏兵解圍走江淮漕運始通守而能固出則有功每急病而攘

夷嘗以寡而敵衆竟殲大憝克集茂勲炳然貞心堅若

金石洎師旋歸按俗頒條軍旅慰安流庸悅附奉天定  
難功臣開府儀同三司檢校工部尚書兼左金吾衛大  
將軍充右街使上柱國建康郡王論惟明釋位勤王有  
赴難之節扞城禦寇有持危之功奉主忘身棄家從國

越自郊甸再踰巴梁

常璩華陽國志獻帝初平元年益州牧劉璋以墊江以土爲巴郡江

南龐羲爲太守治安漢以江州至臨江爲永寧郡胸忍  
至魚復爲固陵郡建安六年璋復改永寧爲巴郡以固  
陵爲巴東徙羲爲巴西太守是謂三巴舊唐險阻艱難  
書地理志渝州巴縣漢曰巴州古巴子國也

靡不陪扈忠義所在生死以之久司禁戎益茂勳績器  
質敦實識度寬敏通明吏職練達武經本之以純良輔

之以才術俾居藩翰僉謂汝諧朕以北控單于國之巨

鎮史記匈奴傳注漢書音義曰單于者廣大之貌言其象天單于然索隱曰按單于姓攣鞮氏其國稱之曰

揅黎孤塗單于匈奴謂天為揅黎謂子為孤塗故曰揅黎孤塗單于通典麟德元年改雲中都護府為單于大

都護府領縣一金河有長城有金河李陵臺王昭君墓舊唐書突厥傳車鼻既破之後突厥盡為封疆之臣于

是分置單于瀚海二都護單于都護領狼山雲中桑乾三都督蘇農等二十四州新唐書磧以北蕃州悉隸瀚

海南隸雲中雲中者義成公主所居也頡利滅李靖徙突厥羸破數百帳居之以阿史德為之長衆稍盛即建

言願以諸王為可汗遙統之帝曰今可汗古單于也乃改雲中府為單于大都護府以殷王旭輪為單于都護

通鑑注宋白曰唐振武軍舊單于都護府即漢定襄郡之盛樂縣也在山陰之陽黃河之北後魏所都盛樂是

也唐平突厥于此置雲中都督府後改為單于大都護府唐書地理志唐之盛時開元天寶之際東至安東西

至安西南至日  
南北至單于府  
彼方戎帥  
沉痾是嬰  
卧護邊軍已淹寒

暑憫其盡瘁  
難以重煩爰  
咨信臣更踐  
厥職朝臣可依

前檢校兵部尚書兼單于大都護  
唐書地理志單于大都護府本雲中都護

府龍朔三年置麟德元年更名通典漢宣帝地節二年

初置西域都護為加官也或以騎都尉諫議大夫使護

西域三十六國有副校尉始以鄭吉為之後廢至後漢

永平十七年復置晉宋以後有都護之官亦其任也唐

永徽中始于邊方置安東安西安南安北四大都護府

後又加單于北庭都護府府置都護一人副都護二人

長史司馬御史大夫充振武綏銀鄜勝等州節度營田

各一人

處置押兵藩落等使  
唐書地理志綏州上郡勝州榆林郡屬關內道通典綏州春秋白翟

之地秦為上郡西魏置安寧郡  
兼置綏州鄜銀注見制誥七卷惟明可依前檢校工部

兼置綏州鄜銀注見制誥七卷

卷之九七

尚書兼鄜州刺史御史大夫充鄜坊丹延等都防禦觀  
察處置等使餘並如故

韓滉加檢校右僕射制

唐書韓滉傳帝在奉天淮  
汴震騷滉訓士卒分兵戍

河南既狩梁州又獻縑十萬匹請以鎮兵三  
萬助討賊有詔嘉勞進檢校尚書右僕射

周制以輔翼之臣出作方伯

禮王制千里之外設方伯  
五國以為屬屬有長十國

以為連連有帥三十國以為卒卒有正二百一十國以  
為州州有伯八州八伯五十六正百六十八帥三百三  
十六長八伯各以其屬屬於天子之老二人分天下以  
為左右曰二伯注老謂上公周禮曰九命作伯春秋傳  
曰自陝以東周公主之  
自陝以西召公主之  
漢官以牧守之最擢拜公卿其

在匡時中外同體朕以大勞未又勤卹于黎元多難薦

與注意于藩岳就加命服式寵能賢則增秩進律亦古

之道也金紫光祿大夫檢校吏部尚書使持節潤州諸

軍使兼潤州刺史御史大夫充鎮江軍浙江東西節度

觀察等使韓滉忠肅剛直清公簡儉持至公以檢下強

禦必繩詩不畏疆禦疏不畏懼于疆梁禦善之人秉大

節以事君險艱無易惠能恤衆明足照姦歲發勤王之

師日增贍國之賦軍無撓敗俗以阜康殿於大邦理平

訟息朝有勸典昭升乃庸胙土以報勤左傳天子建德因生以賜姓胙

之士而命之氏後漢光武十懋官以旌德底又江甸永

王傳贊光武十子胙土分王



孚於休可檢校尚書右僕射進封昌黎縣開國公餘如

故顧炎武日知錄云昌黎有五魏併柳城昌黎棘城于龍城而立昌黎郡如韓麒麟韓秀谷渾孫紹之倫皆

昌黎人卽燕之舊都龍城此一昌黎也韓文公多自稱昌黎唐書載韓氏世系則云世居潁川與昌黎之韓支

派各別先儒以為公之自稱本其郡望宋元豐七年封公為昌黎伯亦是取其本望如韓長鸞韓建封昌黎王

韓擇木封昌黎伯韓渥封昌黎男之比今按韓滉京兆長安人封昌黎縣公蓋亦本其郡望

嘉王

代宗子

橫海軍節度使制

唐書地理志分注滄州西南有橫海軍開

元十四年置方鎮表貞元三年置橫海軍節度使領滄景二州治滄州

度土分疆

王制司空執度地居民周禮大司徒以天下土地之圖周知九州之地域廣輪之數辨

其山林川澤邱陵墳衍原隰之名物而辨其邦國都鄙之數制其畿疆而溝封之漢書敘傳分州域物土疆

設官蒞事因時設制期在理安必順物宜且從人欲版

圖既溢則疏邑以制州統攝或乖則分部而建長周禮天官

乃施則于都鄙而建其長沿革之道亦何常哉滄海之隅地饒俗阜

隱然北土實曰雄藩鎮撫之宜是資懿戚魏書南安王

之貴作鎮關右開府儀同三司嘉王運唐書地理志嘉州犍為郡屬劔南道通鑑音注

嘉州漢南安縣地梁武帝開通外徼立青州取青衣以為名西魏改為眉州取峩眉山以為名後周改曰嘉州

氣本元淳重承先訓忠肅孝友寬仁惠和勤於服儒禮記

魯哀公問于孔子曰夫子之服其儒服與樂在為善施於事任必有可觀舉

不失親至公斯在欽率厥職永孚於休可橫海軍節度

使滄景等州觀察處置等使勳封如故

綱目集覽橫海藩鎮有州四曰

滄景德棣唐書地理志滄州景城郡景州貞元三年析

滄州之弓高東光臨津置屬河北道續通典滄州禹疏

九河在此州界漢置勃海郡後魏置滄州景州漢平

原郡鬲縣地隋置弓高縣屬觀州唐分弓高置景州

馬燧李臯實封制

唐六典魏氏五等皆以鄉亭多假空名不食本邑隋氏始立王

公侯以下制度至唐因之率多虛名其言食實

封者乃得真戶舊制皆三丁已上一分入國開

元中定以三丁為

限租賦全入封家

列爵以旌德

書列爵惟五

胙土以報功國有彝章是用褒勸

朕以不德聞逢多虞蒲坂有叛亂之臣

李懷光

淮沂有僭

逆之帥

李希烈

萬姓惟害四方靡寧奉誠軍節度兵馬元

帥檢校司徒兼侍中馬燧聞難之初忠誠奮發躬率士

旅討茲不庭略地如歸攻城必克晉絳磁隰唐書地理志晉州平

陽郡絳州絳郡磁州文成郡隰州大寧郡屬河東道通

鑑音注晉州後魏真君四年置東雍州孝昌中改為唐

州建義元年又改為晉州宋白曰慈州春秋庸咎如之

國唐武德元年為西汾州孫愐曰因慈氏縣名之隰州

隋龍泉郡之地左傳曰重耳居蒲即隰川縣故蒲城是

也爾雅曰下濕曰隰以州帶泉汨下隰故以隰名絳注

見制誥唐書馬燧傳時賊黨要廷珍守晉毛

三卷 靡然向風朝燧守隰鄭抗守磁燧移檄鐫諭皆

以州降乃率步騎三萬次于絳畧定諸縣降其將馮萬

興任象玉遂圍絳拔外郭守將夜棄城去降四千人遣

李自良定六縣降其將辛旒收卒五千裨將谷秀違令

掠士女斬以狗與賊戰寶鼎射殺賊將徐伯文斬首萬

級獲馬書五百里甸服

五百 元兇勢窮竟就梟戮清我甸服疏引鄭康成說

服治田出穀稅也言旬者主治田故服名旬也時惟茂勳荆南節度觀察處置

等使檢校戶部尚書嗣曹王臯唐書宗室世系表臯嗣王右衛率府中郎將戢

之子出曹王房親率全軍抗于強虜晝夜不息迨于三年謀成

必臧師出皆捷復斬黃之地唐書太宗九王傳賊柵蔡山不可攻臯聲言西取斬

引兵艦循崖沂江上賊聞以羸師保柵悉軍行江北與臯直西去蔡山三百里臯遣步士悉登舟順流下攻蔡

山拔之聞一日賊救至遂大敗乃取斬州降其將李良平黃州兵益振唐書地理志斬州斬春郡黃州齊安郡

屬淮南道拔安陸之城唐書太宗九王傳遣伊慎王錡攻安州未下希烈遣劉戒虛以步騎八千

援之臯命李伯潛迎擊于應山俘之遂下安州斬偽刺史王嘉祥唐書地理志安州安陸郡屬淮南道隱

其威名保又江漢並著節於國存功於人跡效炳然僉

議攸屬雖懋官已序而食賦未加疇庸之科無乃有闕

宜其寵錫以答殊休燧可賜實封五百戶通前七百戶

謹按燧前平李懷光賜實封二百戶 臯可賜實封三百戶

韓滉度支鹽鐵轉運使制

通鑑綱目諸使之職行之已久中外安之崔造

改法事多不集及元琇失職造遂憂懼成疾不視事既而江淮運米大至上嘉韓滉之功以滉兼度支轉運等使造所條奏皆改之

食貨所資邦家大本總領之重必推元臣故周以冢宰

制國用

禮記冢宰制國用必以歲之杪五穀皆入然後制國用用地小大視年之豐耗以三十年之通

制國用量 八以為出

漢以丞相調軍食

史記蕭相國世家何以丞相畱收巴蜀填撫諭告使

給軍食 官給人足謂之善經今戶口凋傷財產衰耗邊疆

未靖役費尚多思欲均厚澤之征權重輕之制國無匱

乏人不怨咨書夏暑雨小民惟日怨咨冬祈寒小民亦惟日怨咨運籌佐時其在

良輔魏志高柔傳明王聖主任臣于上賢相良輔股肱于下金紫光祿大夫檢校

尚書左僕射同中書門下平章事充鎮海軍浙江東西

節度兼江淮轉運等使晉國公韓滉唐書地理志晉州平陽郡屬河東道

昔事先朝常掌邦賦通鑑綱目代宗大歷六年秋八月以韓滉判度支貞心獨

立一志在公吏無姦欺財以饒羨通鑑綱目自兵興以來所在賦歛無度倉

庫出入無法國用虛耗滉為人廉勤精于簿領作賦歛出入之法御下嚴急吏不敢欺亦值連歲豐穰邊境無

寇自是倉庫蓄積始充自臨江旬事舉風行職貢有加轉餉相繼

成功允集艱食用康介于方隅未極材術宐其宏濟式

副具瞻可充度支及諸道鹽鐵轉運等使餘如故通鑑音注

唐制戶部度支以本司郎中侍郎判其事又置鹽鐵轉運使其後用兵以國計為重遂以宰相領其職

李叔明右僕射制通鑑代宗大歷十二年八月癸未賜東川節度使鮮于叔明姓

李氏

行止兩全必惟明哲致其用以匡國敦乎道以保身周

旋令名禮記將為善思貽父母令名必果左傳長國家者非無賄之患而無令名之難始終不

替斯賢者極致而行之實難金紫光祿大夫守太子少



傳唐書百官志太子少師少傅少保各一人從二品掌曉三師德行以諭皇太子奉太子以觀三師之道德

檢校尚書右僕射持節梓州唐書地理志梓州梓潼郡屬劍南道元和郡國志梓

州今為東川節度使治所續通典梓州取梓潼江為名諸軍事兼梓州刺史御史

大夫充劍南東川節度副大使唐書方鎮表至德二載置劍南東川節度使領

梓遂綿劍龍閬普陵瀘榮資簡十二州治梓州一統志東川即漢之梓州也唐乾元中于州治置東川節度

知節度事管內度支觀察處置等使蘇國公唐書地理志蘇州吳

郡屬江南道李叔明稟粹挺生懋為邦傑虛懷朗暢達識周

通早以器能累更任遇中外所踐必聞休聲嘗尹京師

姦豪屏息唐書李叔明傳遷京兆尹長安歌曰前尹赫赫具瞻充若後尹熙熙具瞻允斯洎臨

方岳風俗澄清吏服嚴明人懷德惠憂公奉職勵節存

誠服勞王家行及三紀以茲盡瘁沉恙所嬰

爾雅釋詁 恙憂也風

俗通恙噬蟲能食人心古者草居多被此毒故相問勞曰無恙

扶疾趨朝

唐書李叔明傳後朝京師

以病足賜錦輦令宦士肩舁以見

披誠告老固陳衰瘵深戒滿盈情皆

發衷語且形泣視其激切

前漢賈山傳其言多激切善指事意

良所軫懷

敦勸既頻辭乞彌固繼獻章疏期於必從省之憮然用

增感嘆雖惜其舊德往泣遐藩而憫以高年難違懇志

猶資碩望俾長庶寮罷方鎮之煩總中臺之重

唐書百官志分

注龍朔二年改尚書省曰中臺尚書曰太常伯侍郎曰少常伯光宅元年改尚書省曰文昌臺俄曰文昌都省

垂拱元年曰都臺  
長安三年曰中臺  
式彰尚德且示優賢可依前守太子

少傅兼尚書右僕射

李澄贈司空制

既明且哲以保其身

詩太雅  
蒸民篇

求之昔賢鮮克全備良以

謀始匪易慎終尤難其有志奉公家力輔王室見危而  
立節將沒而陳誠操尚堅明謀猷深遠憂國無忘于顛

沛周身不離于合名有臣如斯可以旌勸故義成軍節

度滑鄭等州觀察處置等使

唐書方鎮表上元二年置  
滑衛節度使治滑州領州

六滑衛相魏德貝廣德元年增領亳州更號滑亳節度  
大歷七年為未平節度建中二年增領鄭州貞元元年

更號義成軍節度唐書地理志鄭州開府儀同三司檢  
滎陽郡屬河南道滑注見制詔八卷

校尚書右僕射兼滑州刺史御史大夫上柱國武威郡

王唐書地理志涼州武威郡中都督府屬隴右道一統志武威漢之郡名治姑臧縣唐初為李軌所據尋克

平之置涼州天寶初改武威郡李澄天授將材勇而多智臨危不懼見

義必為崎嶇險巖勳節兼著唐書李澄傳李希烈陷汴

書令節度永平軍興元元年澄遣盧融閒道奉表詣行  
在德宗嘉之署帛詔內蜜丸授澄刑部尚書汴滑節度

使澄未即宣乃先勒訓士馬希烈疑以養子六百戍之  
賊急攻寧陵邀澄至石柱澄密令焚營為驚遁者養子

董果乘以剽掠澄盡斬之以告希烈不能詰賊遣將翟  
崇暉率精兵寇陳州未還汴軍寡澄度不能制已又中

官薛盈珍持節至封澄武威郡勤於廣業曾未遑安帶  
王賜實封乃燔賊旗節自歸

甲臨戎連年野處積勞成瘁霜露所侵瘡疾攻中

周禮天官

疾醫春時有瘡首疾注瘡酸削也首疾頭痛也疏頭痛之外別有酸削之痛也酸嘶也

癰疽外發

後漢律歷志驚蟄晷長八尺二寸未當至而至多病癰疽脰腫

迨茲病亟不替忠誠憂

國疚懷戀闕流涕

莊子身在江海之心居魏闕之下

懼軍戎之乏帥念

方鎮以為虞上表披陳懇求代免辭情激切備慮精深

視之感傷當宁興歎雖史魚之陳尸納諫

韓詩外傳昔衛大夫史魚

病且死謂其子曰我數言蘧伯玉之賢而不能進彌子

瑕不肖而不能退死不當治喪正堂殯我于室足矣子

以父言聞君造然召蘧伯玉而貴之而退彌子瑕

吳漢之在疚獻謀

後漢吳漢傳漢病篤

車駕親臨問所欲言對曰臣愚

比方於此不足多尚天

無所知識願陛下慎無赦而已

胡不容奪我良帥惻然嗟悼用切深衷始終存義澄實  
有之褒美飾終是宜加等可贈司空賜物五百段米粟  
三百石以左散騎常侍歸崇敬充使弔祭所緣喪葬並  
准式官供仍以澄讓表宣付史館以彰忠節

除鄧州歸順官制

鄧注見前制  
詔七卷南陽

追以兇威陷于寇境義不受汚忠能奮誠履重險而不

迴處疾風而逾勁

唐太宗詩疾  
風知勁草

忘軀狗義獻欵投誠足

以勵彼勤王激其汚俗去逆效順固先典之攸嘉懋賞

勤功驗彝章而不昧威從序用俾服官常

周禮天官太  
宰以八法治

官府四曰官常以聽官治注官常謂各通職所共也可依前件云云

### 李納檢校司空制

鄭武公父子繼為周司徒

史記鄭世家鄭桓公友者周厲王少子而宣王庶弟也宣

王立二十二年友初封于

鄭封三十三歲百姓皆便愛

之幽王以為司徒和集周

民周民皆悅河雒之間人便

思之二歲犬戎殺幽王于

驪山下并殺內居股肱外作

桓公鄭人共立其子掘突

是為武公

藩翰詩美緇衣之德傳稱夾輔之勳我懷斯人今得良

弼開府儀同三司檢校尚書右僕射同中書門下平章

事充平盧淄青節度管內度支營田觀察處置陸運海

運顧炎武曰知錄唐時海運之事不詳于史蓋柳城陷沒之後至開元之初新立治所乃轉東南之粟以餉

之耳及其樹藝已成則不復資于轉運非若元時以此為陋制也舊唐書宋慶禮傳張九齡駁諡議曰營州鎮彼戎夷扼喉斷臂逆則制其死命順則為其主人是稱樂都其來尚矣往緣趙翹作牧馭之非才自經隳廢便長寇孽大明臨下聖謀獨斷恢祖宗之舊復大禹之迹以數千之役徒無甲兵之強衛指期遂往稟命而行於是量畚築執磬鼓親總其役不愆所慮俾柳城為金湯之險林胡生腹心之疾尋而罷海運收歲儲邊庭晏然河朔無擾與夫興師之費轉運之勞較其優劣孰為利害此罷海之一證謹按食貨志唐漕運分水運陸運海運疑卽押新羅唐書東夷列傳新羅弁韓苗裔也居漢水運也押新羅樂浪地橫千里縱三千里東距長人東南日本西百濟南瀕海北高麗而王居金城環八里所衛兵三千人謂城為侵牟羅邑在內曰喙評外曰邑勒有喙評六邑勒五十二武德四年王真平遣使者入朝高祖詔通直散騎侍郎庾文素持節答賚後三年拜柱國封樂浪郡王新羅王通典新羅國魏時新盧國焉其先本辰韓種也辰韓始有六國稍分為十二新羅則其



夏文身  
卷之九

一也其國在百濟東南渤海唐書北狄列傳渤海本粟末靺鞨附高麗者姓大氏

五百餘里東濱大海高麗滅率眾保挹婁之東年山地直營州東二千里南

北新羅以泥河為境萬歲通天中契丹盡忠殺營州都

督趙颯反有舍利乞乞仲象者與靺鞨酋乞四比羽及

高麗餘種東走度遼水保太白山之東北阻奧婁河樹

壁自固武后封乞四比羽為許國公乞乞仲象為震國

公赦其罪比羽不受命后詔王鈐衛大將軍李楷固中

郎將索仇擊斬之是時仲象已死其子祚榮因高麗靺

鞨兵拒楷固楷固敗還祚榮即并比羽之眾恃荒遠乃

建國自號震國王盡得扶餘沃沮并韓朝鮮海北諸國

中宗時使侍御史張行茂招慰祚榮遣子入侍睿宗先

天中遣使拜祚榮為左驍衛大將軍渤海郡王以所總

為忽汗州領忽汗州都督自是始去靺鞨專稱渤海

兩蕃等使隴西郡王李納 宇量宏博質性沉毅體仁能

斷見善必遷蘊非常之才守以純一秉難奪之節著于

艱危昭升令聞

書爾惟踐脩  
問詩如珪如

厥獻傳有令  
璋令聞令望

茂建勳績屬

淮夷構亂東夏震駭奮旅徂征坐籌制勝解商邱之難

攘彼兇殘釋陳城之危俘厥渠帥德功克懋官賞豈崇

庸建上台宐賜真食惟乃先服勤勞王家以殿邦之勳

參論道之職

唐書宰相表  
淄青節度使檢

大歷十四年六月己亥平盧  
校司空同平章事李正己

為司

徒俾爾嗣績光於前人荷國之寵章承家之不構敬

慎厥德永孚於休可檢校司空同中書門下平章事仍

賜實封五百戶餘並如故